



Lag og organisasjonar

Referanser:

Dykkar:

Vår: 21/4919 - 21/39173

Saksbehandlar:

Eirik Bouwer Utne

eirik.utne@alver.kommune.no

Dato:

09.06.2021

## Kommunale tilskotsordningar kultur og idrett - revidering av retningslinjer - høyringsutkast

Vedlagt ligg høyringsutkast til reviderte retningslinjer for tilskotsordningar til kultur og idrett i Alver. Høyringsfrist er 10. august 2021.

Du kan sende høyringsinnspel til **post@alver.kommune.no** eller til Alver kommune, Pb 4, 5906 Frekhaug. Merk innspelet med «Høyringsinnspel revidering av retningslinjer – 21/4919».

### Bakgrunn

Utval for oppvekst, kunnskap og kultur vedtok den 8. juni 2021 å sende utkast til reviderte retningslinjer på høyring.

Dagens retningslinjer vart vedtatt i Alver kommunestyre i desember 2019. Vedtaket hadde tilleggspunkt *Kommunestyret ber administrasjonen om ny modell med tidlegare søknadsfrist for tildeling frå 2021*. Bakgrunnen for ny modell er å kunne gi søkjarar svar så tidleg på året som mogleg.

I tillegg har forvaltning og handsaming av to hovudtildelingar gitt grunnlag for evaluering av innrettinga av tilskota.

Utsendinga oppsummerer hovudpunkta i høyringsutkastet på neste side.

## Hovudpunkt i høyringsutkastet

### 1. Søknadsfrist og tildelingstidspunkt

Hovudtildelinga har i dag frist 1. mars og tildeling i månadsskiftet mai/juni. Tilleggstildelinga til prosjekt har søknadsfrist 1. september med tildeling oktober/november.

Høyringsutkastet fremjar ny søknadsfrist for hovudtildeling 15. november med tildeling i månadsskiftet januar/februar. Tilleggstildelinga til prosjekt er fremma med søknadsfrist 15. april med tildeling mai/juni.

Søklarar vil i tilfelle få handsama søknadane tidleg på året, og før årsmøta deira. Dette vil kunne skape større føreseielegheit, samstundes som ein ikkje vil ha behov for å ettersende vedlegg, sidan årsmøta er gjennomført ved neste søknadsfrist.

Årshjulet for søklar vil vere (1) svar søknad, (2) årsmøte (3) søknad for neste år.

### 2. Tydeleggjering av driftstilskot og prosjekttilskot

Høyringsutkastet ryddar i oppstillinga og presiserer kva som gjeld for og av driftsordningar og prosjektordningar. Vidare presiserer ein kven som kan søkje til desse ordningane i høve praksis og behov, med blick til ordninga med fleirårlege tilskot som forvaltast i økonomiplanhandsaminga.

### 3. Fire ordningar er tatt ut i høyringsutkastet, og ein er justert

- a. Driftstilskot til scenekunst og -formidling. Føremålet med ordninga var å tydeleggjere denne delen av kulturfeltet i ei eiga ordning, men erfaringa viser at dette kan forvaltast under driftstilskot til andre.
- b. Tilskot til musikkonkurransar. Ordninga har hatt få søknadar, òg før pandemien, og kan verke skeivfordelane. Det vurderast av spissing av dei etablerte driftsordningane til musikkfeltet, samt tydeleggjeringa av prosjekttildelinga kan forvalte behovet.
- c. Kjøpt svar har hatt som føremål å kunne forvalte uforventa behov innan kultur- og idrettsfeltet, utan å måtte vise til halvårlege søknadsfristar. Søknadstilfanget viser at det i liten grad vert søkt etter slike behov, søknadane i stor grad vert avvist, og at omsøkte tiltak i hovudsak høyrar heime i dei halvårlege prosjekttildelingane.
- d. Ordninga knytt til nærmiljøanlegg og periodiske satsingar viser seg å vere krevjande å skilje ad frå prosjekttildelingane, med få søknadar, og behovet bør forvaltast i prosjekttildelingane.
- e. Friluftsfeltet er fremja ut av driftstilskotsordninga til idrett og lag tilslutta det frivillige skyttarvesen. Inkluderinga har hatt som føremål og tydeleggjere behova i friluftsfeltet, men søknadstilfanget viser at søklarane bør forvaltast under driftstilskot til andre. Lag

tilslutta det frivillige skyttarvesen vert i høyringsutkastet framleis forvalta under ordninga, med omsyn til det nære tilhøve mellom skyttaranlegga og idrettsleg aktivitet, og spelemiddelinnettinga.

#### **4. Justering av stipendordningane**

Høyringsutkastet justerer stipenda tydelegare i retning arbeids- og etablerarstipend, og konkretiserer forskjellen på kultur- og idrettsprosjekt og stipenda. Eit døme vil vere at kulturprosjekt her bidrar til å gjennomføre eit prosjekt (trykke bok), mens arbeidsstipendet bidrar til tida ein treng (skrive bok). Vidare tydeleggjer ein at lag og organisasjonar kan søkje på vegne av sine utøvarar.

#### **5. Om vidare prosess**

Høyringsfrist er sett til 10. august, med handsaming i utval for oppvekst, kunnskap og kultur same månad og i kommunestyret i september. Eventuell ny søknadsfrist vil verte breitt informert om.

Med helsing  
Alver kommune, Kultur

Eirik Bouwer Utne  
Leiar - kultur

*Dette dokumentet er elektronisk godkjent og har difor ingen signatur.*

#### **Vedlegg:**

Tilskotsordningar kultur og idrett. Retningsliner høyringsutkast 28.5.2021

#### **Mottakarar:**

Lag og organisasjonar